

Nowodhow an Seythen

25 / 08 / 08

Sportydhyon Gernewek re waynyas peswar piwas orth Olympeks Beijing.

Yma bath owr dhe Ben Ainslie y'n golya. Ev a dhalathas dyski y sport orth klub golya Ros-tron-goos.

Annie Vernon a waynyas bath arhans y'n skulls-peswarplek-benynes.

Wendy Houvenaghel a gavas bath owr keffrys y'n kestriv diwrosa.

Hag yth esa bath brons dhe Cassie Patten y'n kesstrif resek deg kilometer.

Gwayn bras yw hemma dhe Gernow hag a pen ni omsevyek... ni a via a-wartha lies bro vras y'n bys.

Hemm yw marthus dres ehen... ha govenek yma dhyn bos gallos dannvon lies huni dhe Loundres peder bledhen alemma.

An gwariow a worfennas ha baneryow Olympek veu neyjys war Hel Konsel Kernow ha Bronn Wenylli.

**

Yma krodhval erbyn Kanel Beswar wosa askororyon dhe asa dew flogh yn Kernow yn chi heb aga herens.

An vebyon ha mowysi, ynter eth hag unnek bloodh, veu gesys home-alone rag diw seythen.

Res o dhedha kegi, glanche ha restra bojet.

Bagasow flehes yw serrys ...mes an askororyon a grys bos an dowlen adhyskek.

Y fydh tavethlys mis Du.

**

Gool Ilow Gwerinek Kernow re dhehwelis dhe Bonsrys hevlyna.

Byttegyns yma krodhval erbyn an benn-performoryon.

A Show of Hands yw dew dhen dhiworth Dewnans, ha gansa lies skoodhyer a-hys an pow.

Byttegyns, i re rekordyas gwydheo nowydh yn Kernow... ha gul bri a Bow Sows.

Kan fest gwylaskarorek yw.

**

Kernow a synyas hy hynsa hwarvos Proutneth Kethreythek yn Truru.

Kansow a dus a dheuth dhe'n pennsita ha gweles an keskerdh ...hag ena entertaynment y'n gorthuher war Gay Limaval.

Yth esa protest byhan a Gristonyon neb esa a'ga sav ha'ga heyn orth an keskerdh.

**

Ha fylm yw lanchys ow kovhe mil-naw-kans-seyth-ha-tri-ugens pan dheuth an Beatles dhe Gernow.

An bagas istorek ma eth dhe Dewyn Pleustri ha fylmya Magical Mystery Tour.

Lies hwedhel dhe-les yw hwedhllys.

Yma y'ga mysk kovyow a Paul McCartney ha Ringo Starr o mos dhe Borthpyran ha ledya kan-a-dro yn gorthuher yn tavern Ty-warn-Heyl.

Keffrys ha henna... del hevel... an oywas... po an egg-man dhyworth an gan 'I am the Walrus'... o nebonan trigys yn Kernow.

Tony O'Dell a wre mos a-dro ostelyow ha diwottiw y'n dre ow kwertha oyow.

Y feu ev kommandys dhe'n fab-four a-vel an egg-man pan eth y'n tavern 'The Sailors Arms'.

**

Henn yw oll rag an seythen ma... agas gweles nessa seythen.